


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JUL 11 1941

3

79153/8941



偶記卷三

出處

六則

池陽

余翹聿雲

著



尹三聘而有出有負鼎之誣亮三顧而起有結  
眊之譙好事之口可畏哉

曹操嘗徵諸葛亮矣亮自陳不樂出遂謝遣之  
曰義不使君辱于汚君之朝也桓温嘗請王猛  
俱南矣猛師曰子與桓温不並世也遂止不行  
夫操不迫亮温不强猛有度哉今人曰操失亮

温失猛不學之過也

李令伯之陳情以退為進也于遷遲怨望知之也沈休文之謝病以去為留也于有志台司知之也

邴曼容官過六百石輒自免去也羊敬元仕至二千石便懷止足也今求一罷相避賢者難哉杜衍致仕或勸為居士脈衍曰老而謝事尚可竊高士名耶張宗誨致仕其子勸為羽脈宗誨曰吾作白頭老監秘書而眠何以賀老流沙之

脈為

左傳孔文子將攻大叔訪于仲尼仲尼曰胡簋之事則嘗學之矣甲兵之事未之聞也退命駕而行與魯論稍異

辭受 三則

魯人以土斲薄膳進孔子悅而受之楚漁者以魚獻孔子拜而受之齊景公致廩丘為養則不受矣故曰儀不及物曰不享

受絲而蔽之閣山巨源也受魚而餒之門傳昭

也受魚而懸之室羊續也受瓜而置于梁蘇瓊也受潤筆物而藏之梁王安石也夫禮有辭受耳矯而好名數子之謂也  
阮孝緒覆王晏之醬陳無已却趙挺之之衣廉希憲斥阿合馬之糖庶幾士懷耿介不蔭惡木者矣

恩怨 十六則

左伯豪薦周舉舉劾之而雄悅也崔良伯薦郤詵詵糾之而洪脈也楊越公薦榮毗毗繩其左

右而素謝也並知有君乎今舉主門生互相噓拂雖曰不黨吾不信也

李邑毀班超漢主以邑付超超遣之不留也高遵陷伊婁謙周主以遵付謙謙待之如故也忠而恕哉

文廣休不薦程瓊而瓊謂其不黨邢子才專毀崔暹而暹謂其不癡

韓愈作諍臣論譏陽城曾誕作玉山主人對客問譏鄒浩譏者難受譏者尤難

咎犯與虞子羔有仇晉文問誰可守西河者咎  
犯薦羔羔往謝之咎犯曰薦子公也怨子私也  
子其去矣願吾射子也蓋勲與蘇正和有仇梁  
鵠將殺正和勲抃止之正和詣勲謝勲不見曰  
吾爲梁使君謀不爲蘇正和也二子庶幾直報  
矣

蘇章與故人飲而明日按其罪也源懷與故人  
飲而明日竟劾之也公矣得微近險乎

董卓誅而蔡邕嘆武璽遷而姚崇泣何其啣私

恩忘公義也

袁盎之免于阨也以盜侍兒之從吏張說之脫  
于難也以通侍婢之書生

唐玄宗時邊軍于袍內得宮人詩王將以聞玄  
宗卽以宮人賜得詩者而邊軍感泣僖宗時軍  
人馬真于袍內得宮人詩王將以聞僖宗卽以  
宮人妻真而後僖宗幸蜀真晝夜捍禦不離

秦繆公之勝晉也以食駿馬之野人趙簡子之  
勝翟也以食白驪之胥渠

顧榮分炙于行炙人而後脫之于亂者行炙人  
也陰鏗授酒于行觴者而後抹之于難者行觴  
者也故曰與不期衆少

羊斟以羊羹不及而敗宋也司馬子期以羊羹  
不及而禍中山也故曰不如公榮者不可不與  
飲又庾悅以鶩炙不及劉毅而構禍

中山王失之子期而得之二士魏公子失之范  
睢而得之虞卿瑕瑜豈相掩哉

須賈以綈袍贈范睢遂得免死錢勃以紈扇遺

朱買臣遂爲上客二子在賈勃術中

朱平原之抹辟陽也陽拒之周伯仁之抹茂弘  
也陽詈之辟陽亦憾平原而茂弘竟陷伯仁行  
事過異者禍之媒也

左傳尹公佗學射于庾公差庾公差學射于公  
孫丁二子爲孫氏追衛公公孫丁御公庾公差  
射兩鞬而還尹公佗及之公孫丁授公轡而射  
之貫臂此與孟子所紀尹公佗庾公斯事類而  
大異

奢儉 十一則

漢文帝弋綈爲裘集上書囊爲帳宋高祖用直脚床釘用鐵牀頭有土障壁上掛葛燈籠麻繩拂宋太宗服澣濯衣有穿者命紉補以進仁宗用黃絁被漆唾壺

一裘三十年晏子也一熊皮障泥數十年長孫道生也一屐三十年虞玩之也

董威輦不受全帛而受碎絮李元愷不服新麗而脈垢蟻王子陽之好增其累耳

漢蕭相國何不治垣室曰後世賢師吾儉不賢母爲勢家所奪唐河間王孝恭嫌其居壯麗別營一區曰子也才易以守不才不爲他人所利楚王希範作九龍殿閩王鱗作九龍帳皆一時事

起昌陵土與穀同價漢成也起承華土與穀同價慕容熙也

寇準家不爇油燈雖庖廛必然炬燭蒲宗孟日燃燭三百宗孟不足道也準累盛羨矣



隋虞孝仁宋孫承祐從征皆以駱駝負水養魚  
丁謂從東封以大車載水養魚豪侈哉拓跋燾  
不食河南水以駱駝負河北水自隨未足異矣  
袁紹之車騎耻見許子將劉整之車脈耻見蔡  
子尼楊愔之紫羅袍金縷帶耻見李庶

唐鄭璠在嶺南象江得怪石輦歸榮陽費錢六  
十萬宋榮咨道以錢三百萬買虞世南夫子廟

初刻碑

鄭康成婢皆能誦詩劉威碩婢皆令誦靈光殿

賦

平品 二十四則

王孫對簡子之問也舉觀射父左史倚相昭奚  
恤對秦使之問也舉子西太宰子方葉公子高  
司馬子反孟獻子對晉宣子之問也舉顏回茲  
無靈魏太子對經侯之問也舉徒師沼邾辛芒  
卯齊威王對梁王之問也舉檀子盼子黔夫種  
首寶得其實者哉

北海邴春少立志操鄉邑以爲邴原復出王偉

元以爲無成後春果以無行廢學也沛國戴晞  
少有才智時人許以遠致嵇延祖以爲無成後  
晞果以無行被斥也

漢求仲羊仲號二仲周穉都孫子穉號二穉馬  
威卿孺卿號二卿晉謝玄張玄之號二玄梁顏  
協顧協號二協

漢皇甫規威明張奐然明段熲紀明號涼州三  
明金敞元休第五巡文休韋端甫休號京兆三  
休晉孔愉敬康張茂偉康丁潭世康號會稽三

康劉粹純嘏劉宏終嘏劉漢冲嘏號洛中三嘏  
又漢常孟達公孫伯達魏仲達號三達晉諸葛  
恢荀闓蔡謨俱字道明亦號中興三明明云

周常曼唐常嗣立俱號逍遙公周樗里子漢晁  
錯魯匡吳支謙魏桓範俱號智囊唐白樂天宋  
郭祥正俱號醉吟先生晉司馬朗懿孚旭恂進  
通敏及董景王澄阮瞻胡毋輔之謝鯤庾凱沙  
門于法龍光逸俱號八達秦穰侯華陽高陵涇  
陽宋蕭道成袁粲褚淵劉彥節北齊孫騰高岳

高隆之司馬子如皆號四貴吳馮延巳馮延魯  
陳覺魏岑查文徽宋王欽若丁謂陳彭年劉承  
珪林特俱號五鬼漢諸葛亮晉翟湯俱號卧龍  
漢董宣高慎宋蕭惠開又漢徐璜俱號卧虎宋  
廬陵王禕魏敷城王坦俱號驢王漢嚴延年晉  
荀晞俱號屠伯唐邊鎬宋洪皓俱號佛子晉喬  
智明陳孔奐皆號神君晉羊曼唐常袞俱號黯  
伯周陸通唐陸羽俱號接輿漢賈彪賈琮皆號  
賈父晉謝混北齊王晞俱號方外司馬漢黃憲

宋周續之梁徐陵皆號顏子漢張霸齊蔡曇智  
勝曇恭梁宗元卿俱號曾子張芝張旭俱號草  
聖

荀淑八子皆才人號其里曰高陽劉子玄兄弟  
六人皆有名入號其鄉曰高陽

稱千里駒者劉杳也蕭映也任昉也王茂也王  
規也丘仲孚也張敷也南史已數見殆不可勝  
記

石奮及四子皆二千石號萬石君馮揚八子皆

二千石亦號萬石君秦襲與羣從五人爲二千石號萬石秦氏嚴延年毋五子皆貴號萬石嚴姬張文瓘及四子皆三品號萬石張家廖剛及四子皆貴號萬石廖氏

潘岳夏侯湛號連璧以容貌也獨孤信常孝寬號連璧以政術也又王敬則王儉同拜儀同徐孝嗣稱爲連璧

漢趙后號飛燕以體輕也賊張燕號飛燕以悍捷也

晉有三張載也協也元也以文章名唐有三張廷珪也九齡也休也以政事名

古今兩鮑謝宋鮑照謝朓唐鮑防謝良弼也三李杜漢膺杜密李固杜喬唐李白杜甫也

漢有兩杜子夏時人謂欽爲盲杜子夏魏將有兩夏侯軍中號惇爲盲夏侯齊有兩江泌世謂士清爲孝江泌唐有兩李益時人謂君虞爲文章李益兩韓翃德宗謂君平爲詩人韓翃

賀知章稱李白爲謫仙周必大稱李璧爲謫仙

唐睿宗問蜀士于蘇頲對曰李白文章趙蕤術  
數宋英宗問蜀士于歐陽修對曰文章蘇洵經  
術黎淳

劉孝儀孝威並工屬文號曰三筆六詩王彬王  
志並習篆隸號曰三真六草

劉臻漢聖衛大經易聖張旭草聖楊子華畫聖  
嚴子卿馬綏明棊聖衛協張墨書聖王志書聖  
張衡馬忠木聖李白醉聖

賈謐之黨號二十四友而劉琨在其中李逢吉

之黨號八關十六子而劉栖楚在其中

二傅沈劉不如一丘謂傅琰父子沈憲劉玄明  
丘仲孚也以政事言二崔二張不如一康謂崔  
暹崔季舒崔昂張亮張徽陳元康也以寵遇言  
一見南史一見北史

一臺二妙衛瓘索靖也一臺二絕伏曼容袁粲  
也寺中二絕宋世軌蘇珍之也

顧愷之三絕才也畫也癡也梁元帝三絕書也  
畫也宣尼贊也鄭虔三絕書也詩也畫也宋令

文三絕文辭也書也力也李睽三絕門地也人物也文章也吳趙夫人三絕針也機也絲也馮吉三絕詩也琵琶也舞也

方於事上好下佞已治身清貞大修計較自好讀書憎人學問却公之三反也方於事上好下佞已性嗜榮貴不求苟合治身不穢尤惜財物王肅之三反也

梁武帝時三慶昭明太子生也徐元瑜降也蕭穎胄暴卒也張元一所謂三慶旱而雨也洛橋

成也郭弘霸死也

黑衣宰相沙門慧琳也白衣宰相令狐滈也

比擬 十則

劉孝標自比馮敬通者三劉子玄自比楊子雲者四

邵侯姜女之生子也始棄之宋芮司徒之生女也始棄之俱命之曰棄邵棄爲稷官蒸民賴之宋棄美而生佐幾移于宋國名之同也奚傷此陸龜蒙襍說也

司馬長卿慕藺相如因以爲如傅燮慕南容因以爲字然司馬無行傳燮不免愧兩人矣

宋有蜀人藺相如殺劉季連以報父仇梁有武昌太守朱買臣勸元帝遷都何襲前人姓名乃爾

楊雄子童烏蚤慧而先雄天宋王彧子亦字童烏蚤慧而亦先彧卒

齊武改董蠻爲董仲舒曰今日仲舒何如昔日仲舒對曰昔日仲舒出自私庭今日仲舒降自

天帝梁武謂今李膺何如昔李膺對曰昔事桓靈之主今逢堯舜之君此足資噓耳又周太祖賜伊婁穆名伊尹更可笑

慕太白者李碧字太碧慕樂天者黃居難字樂地尤足鼓掌又有慕李白之李赤爲厠鬼惑苑

蜀王昭遠自比諸葛亮兵敗流涕曰運去英雄不自由也宋郭倪自比諸葛亮兵敗流涕客曰此帶汁諸葛亮也可咲殊類

欲與光武爭中原者石勒也恨不與劉項爭中

原者劉毅也知量難哉  
趙文深學王褒之書僧皎然希蘇州之句效顰  
益媼學步失故者乎

嫌疑二則

馬援還自交趾載薏苡一車譖者以爲明珠也  
唐瑾還自江陵載書二車譖者以爲珍玩也  
漢吳恢寫書子祐曰此書若成載之兼兩嫌疑  
之間誠先賢所慎也齊郎基寫書潘子義遺之  
書曰在官寫書亦是風流罪過噫况出於書之

外者乎

任誕九則

牛飲者紂也閩王曦也新序載桀亦爲牛飲  
晉嵇阮劉畢爲裸飲唐鄭愚劉彥等爲顛飲宋  
劉潛石曼卿爲巢飲鼈飲猶曰放達也周伯仁  
露其醜穢及元康貴游子弟爲散髮飲對弄妾  
婢何止貌不恭哉

鄭泉曰願得美酒滿五百斛船四時甘脆置兩  
頭左右沒飲之憊卽啖肴膳酒減隨益不亦快



傳言卷三  
十四  
乎畢卓曰願得酒滿數百斛船四時其味置兩  
頭右手持酒杯左手持蟹螯拍浮酒船中足了  
一生矣

與宴不醉因詣道邊酒壚停車褰幔與三騶對  
飲者謝幾卿也步屨郊野道遇一人卽與酣飲  
者袁粲也二子位任隆重何得不檢乃爾

阮籍劇飲而母死則嘔血數升毀瘠骨立劉潛  
劇飲而母死則一慟而絕

居母喪飲酒食烝豚以步兵厨有酒三百石乃

求爲步兵校尉者阮籍也居母喪飲酒騎射以  
太常有音樂多美酒復自中書令求爲太常者  
李元忠也元忠效籍耳

杜少陵窘于獄祠非耒陽令不還也韓昌黎窘  
于青坨坪非華陰令不下也

徑入人園林不問其主嘯咏自若者王子猷也  
子敬也袁景倩也子猷景倩皆爲主人欸留而  
子敬獨爲顧辟彊所數驅之出門何不幸也  
漢陳遵與客飲輒投轄閉門有部刺史奏事值

傳言卷三  
遵飲大窮突入叩頭白遵母恐誤尚書之期遵  
母乃令從後門出齊高季式閉門與司馬消難  
飲留一宿消難恐誤朝參拜謝求出季式怒以  
車輪括其頸引滿飲之復留一宿乃出之又季  
式嘗醉殺孫奉

嚴憚

七則

魏崔楷摧挫豪彊時人語曰莫鴆獬付崔楷宋  
高祖每除異已必令丁旡拉殺時人語曰莫跋  
扈付丁旡齊王道成亦然其所任桓康也時人

語曰欲斬張付桓康宋又有奚顯度者苛虐無  
道時人語曰勿反顧付奚度魏唐永爲北地太  
守時人語曰莫陸梁恐爾逢唐將

寧飲三斗醋不見崔宏度寧飲三斗葱不見屈  
突通寧炙三斗艾不見屈突蓋寧食三斗炭不  
逢楊德幹寧飲三斗塵無逢權懷恩寧作五年  
徒不逐王玄謨皆時人語也

魏人語曰曹公尚可趙達殺我蜀人語曰蜀賊  
尚可羅尚殺我宋人語曰玄謨猶自可宗越更

佛言卷三  
殺我

匈奴爲偶人象郅都令騎馳射皆莫能中蒼梧  
爲偶人象蕭道成令左右射皆莫能中

石勒將麻秋胡宋劉胡齊武將桓康魏楊大眼  
隋麻叔謀唐郝玘人皆以名怖小兒

病瘡者稱桓石虔之名無不立愈畫桓康之形  
于牀壁亦立愈取朱瑾墳上土以水服之亦卽  
愈異哉

吳苦岑昏酷虐孫皓嘗戲曰當以奴謝百姓左

右因曰唯共起收殺之宋苦奚顯度酷虐廢帝  
嘗戲言曰比當除之左右因卽日宣殺焉

悖陋 九則

爲爾寂寂鄧禹笑人王元長之言也爲爾寂寂  
文景笑人桓宣武之言也克此之心不至無上  
不已也

公孫述將僭號夢十二爲期其妻曰朝聞道夕  
死可矣李壽將僭號筮得數年曰朝聞道夕死  
可矣荀伯玉聞相墓者之言欲得暴貴也范雲

當梁武九錫之拜欲速愈疾也並爲是語小人  
侮聖言可恨哉

漢桓榮爲少傅乃大會諸生陳其車馬印綬曰  
今日所蒙稽古之力也可不勉哉魏董徵爲刺  
史乃置酒高會大享邑老曰此之富貴匪自天  
降乃勤學所致耳二子謬廁儒林鄙陋乃爾  
王思嘗執筆作書蠅集筆端思怒自起逐蠅不  
得還取筆塌壞之王述嘗食鷄子以筋刺之不  
得便大怒舉以擲地鷄子圓轉不已仍以屐齒

踉之又不得復取內口中齧破吐之卞急如此  
可咲哉然二子自名士不以一青棄也

庾炳之好潔士夫造之者未出戶輒令人拭席  
洗牀何敬容木冠鮮麗有不整伏牀熨之暑月  
背爲之焦殷冲好淨小史非淨浴新衣不得近  
左右謝景仁居宇淨麗每唾輒唾左右人衣事  
畢聽一日澣濯王思遠有客詣之必形儀新楚  
乃與促膝去後猶令二人交帚拂其坐處劉澄  
爲遂安令掃拂郭邑路無橫草水翦蟲穢民不

堪命王維好掃地兩僮專掌縛帚而時不給何  
佟之一日洗滌十餘遍猶恨不足人號水淫蒲  
宗孟每日有小洗面大洗面小濯足大濯足一  
浴至湯五斛

李林甫以杖杜爲杖杜蕭炅以伏臘爲伏獵謝  
悰以祗受爲抵授程覃以照執爲昭熱

宋主謂謝超宗殊有鳳毛劉道隆因請鳳毛見  
之齊源師言龍見請雩祀高阿那肱驚問龍色  
何如武人若此不足責矣

宋劉義綦聞人言陸士衡曰下官初不識陸士  
衡趙宋党進聞人說韓信曰對韓信亦說我矣  
晉惠帝問蛙鳴爲官乎爲私乎荅曰在官曰旣  
在官可給廩梁廬陵王應見金鋌問可食乎荅  
曰不可曰旣不可食並特乞汝

反覆七則

富貴多士貧賤寡交不見朝趨市者孟嘗君之  
客之言也天下以市道交有勢則從無勢則去  
廉將軍之客之言也可以告客人者不可以告

客于人者

長平故人移于冠軍魏其吏士歸于武安猶積漸也王珣兒婚賓客甚衆聞王雅拜少傅迴車者過半則呼吸變遷矣

呂布事丁原則殺丁原事董卓則殺董卓劉牢之事王恭則反王恭事司馬元顯則反元顯司馬消難事齊則叛齊事周則叛周

彭樂敗宇文泰泰曰今日無我明日豈有汝邪樂遂歸慕容紹宗敗侯景景曰若就擒公復何

用紹宗遂縱之劉巨容敗黃巢曰朝廷喜負人不若留賊爲富貴資遂釋之

事十主以諛取貴叔孫通也事十主以諛取寵馮道也諸生稱通爲聖人當世譽道爲孔子鄉原之媚于人如此

馮道事十主作長樂老叙宋琪事四朝作多幸老民叙

公孫弘初諫通西南夷置滄海築朔方武帝令朱買臣難以十策弘乃謝曰山東鄙人不知其

便若是楊元素初言助役之害王安石令曾布詰以十難元素惶恐請曰臣愚不知其便乃爾噫此汲長孺劉忠肅為錚錚也

諂佞 九則

為母作驢鳴戴良也為韓侂胄作犬吠趙師異也為父嘗糞庾黔婁也為魏元忠嘗便液郭弘霸也流芬遺臭毫釐千里

趙師異字從善號壻東有吏才齊東野語

謂其無犬吠事乃鄭斗所造以報捷武學生之憤未知果否

董賢拜大司馬冊文有乞執厥中語蕭咸以為

堯禪舜之詞也史彌遠拜相制文有昆命元龜語倪思以為舜命禹之詞也小人媚權曷不至哉

何尚之以吏部郎告休傾朝送別叔度曰此送吏部郎耳非關何彥德也高爽嘗經晉陵縣令劉蒨了不相接及爽代蒨為縣迎贈甚厚爽曰此餉晉陵令耳何關爽事

劉義康之柑大于供御者三寸秦檜之子魚大于宮中者百尾皆以竈見媚也

傳記卷三  
檀長卿爲沐猴舞以媚許伯揚再思爲高麗舞以媚張同休

徐之才縱其妻通和士開紀處訥縱其妻通武三思

或以納妾求知或以售妹入府或以獻妻入閣此華岳論韓侂胄疏語也今人但知程松納妾事耳岳吾池人初論侂胄被竄後論史彌遠被害楊用修載岳此疏而曰倪僎以售妹入府不知郭倪郭僎兩人也不考乃爾

孔光沐日歸休燕語不及朝省事宇文士及嘗被馳召妻問不敢言故佞人脊密無取矣又唐楊師道慕孔光爲人不語禁省事宋謝弘微不言帝所御膳羞

西京亡于張禹東京亡于胡廣態臣甚于篡也語出權德輿

殘忍 九則

革囊乘血仰而射之名曰射天者武乙也宋王偃也作炮烙之刑者桀也紂也桀作炮烙見符



子

魏奚康生以天旱使人拔西門豹舌齊文宣以天旱毀西門豹祠掘其冢何豹之不幸也

坐中殺人數百斷舌斬手足鑿眼目宛轉杯案間而飲食自若者董卓也方食斬人于前言咲自若者侯景也每宴殺人數百庖宰一如羊豕而取其膽以吞酒者趙思綰也剗剔支解人血流盈前而命樂飲酒自若者漢蔡王信也

紂剖比干心觀其七竅元兇劔剖潘淑妃心觀

其邪正

袁紹殺臧洪陳容在坐無不嘆息曰如何一日戮二烈士張敬兒殺邊榮程邕之三軍莫不垂泣曰如何一日殺二義士張之貪殘又非袁匹袁紹不用田豐之計而敗乃曰果爲所咲遂殺豐趙染不用魯徽之計而敗乃曰何面見之遂殺徽忍而闇哉

隋麻叔謀五代萇從簡皆好竊民間小兒食之叔謀食至數百民間至以小兒藏之櫃執燭圍

守人類中有此等輩哉

王武子以錢十萬賭王愷八百里牛勝而殺牛  
爾朱文畧以好婢賭高歸彥七百里馬勝而殺  
馬然文畧併殺婢以二銀器盛婢頭馬肉以遺  
歸彥何異豺狼

後魏咸陽王坦唐巢刺王元吉皆曰寧三日不  
食不能一日不獵坦鷹犬數百頭元吉置罔三  
十車俱不令終好殺之報也

惑溺 八則

漢文帝夢欲上天不能有黃頭郎從後推之上  
天遂尊幸鄧通也陳文帝夢騎馬登山路危欲  
墮陳子高推捧而上遂愛幸子高也二主之事  
何其酷肖  
乘羊車宮人以鹽汁灑地晉武也乘羊車潘淑  
妃以鹹水灑地宋文也二主之治無終此哉  
李夫人卒漢武令方士致之步幄也殷淑儀薨  
宋武令巫召之帳中也嘻世主之好士有若此  
者乎

隋煬刻木爲柳晉孫皓刻木爲張美人去越王金鑄范少伯遠矣

宋殷貴妃薨哭悲者厚賞慕容熙符后死百寮哭無淚者罪之殊足捧腹也

石衛尉崇殺身于綠珠何廣州恢構釁于耀華喬左司知之失族于窈娘故曰尤物移人苟非德義必有害

陶穀使江南以假書爲名實覘之既至驕甚韓熙載密遣歌兒秦弱蘭詐爲驛卒女擁帚酒掃

穀喜而私焉作風光好一闋贈之曰好姻緣惡姻緣祇得郵亭一夜眠別神仙琵琶撥盡相思調知音少待得鸞膠續斷絃是何年後數日李王宴穀出弱蘭于席歌前闋以侑之穀大慚而醉御史何郊謁告歸蜀受密旨伺察文潞公事潞公遣幕客李少愚迎見于漢州命酒設樂有妓王宮花善舞何醉題其項帕曰按徹梁州更六么西臺御史惜妖嬈從今改作王宮柳舞盡春風萬萬條後數日至成都頗嚴重一日潞公

讌何迎其妓歌前詩以侑觴何爲之醉遂不敢  
措手而歸二事甚類陶妓一作任杜娘何妓一  
作楊臺柳又甚類也

宋有眇娼少年嬖之元有姪娼大賈悅之嘻士  
之遇合豈必賢且才哉

疑懼 二則

涓石梁見已之影以爲鬼而驚死犁丘丈人見  
已之子以爲鬼而刺刃

應柳賜杜宣酒見杯中弩影以爲蛇樂廣賜客

酒見杯中弓影以爲蛇俱因而病後告之故俱  
愈

調詭 五則

孫皓作爾汝歌勸晉武帝觴曰昔與汝爲隣今  
與汝爲臣上汝一杯酒令汝壽萬春宋王歆之  
作爾汝歌荅劉邕曰昔爲汝作臣今與汝比肩  
旣不勸汝酒亦不願汝年

有犬爲獨無犬爲蜀橫目苟身虫入其腹無口  
爲天有口爲吳君臨萬邦天子之都吳薛綜對

張奉之言也見本傳有水者濁無水者蜀橫目  
苟身虫入其腹無口者天有口者吳下臨滄海  
天子帝都吳諸葛恪對費禕之言也見江表傳  
當是一事兩記

庾爰客謂孫放曰諸孫太盛放曰未若諸庾翼  
翼蔡約謂王慈曰衆僧今日可謂虔虔慈曰卿  
如此何以興蔡氏之宗謝超宗謂慈曰卿書何  
如虔公慈曰如雞比鳳何勗謂殷孚曰益殷尊  
羨孚曰何無忌諱各用父名爲諱悖哉然超宗

嘗以劉道隆觸其父諱徒跣入內矣此又挑王  
慈何也

楊素戲柳機柳昂曰二柳俱摧孤楊獨秀又戲  
昂子調曰柳調通體弱獨搖不須風何素慣爲  
若語

張蒼梧謂其子曰我不如汝有佳兒其孫憑曰  
阿翁柰何以子戲父謝玄亦曰我尚生瓌瓌那  
得生靈運許敬宗謂子昂曰我子不若汝子昂  
曰渠父寧如昂父

賄敗 二則

衛蒯躋出奔已氏也曰勿殺我吾與汝璧曰殺爾璧其焉往唐杜孺休見攻沈粲也曰勿殺我吾與汝金曰殺爾金其焉往又梁蕭紀以金擲樊猛曰顧卿送我曰殺足下金其何之石崇臨收曰奴輩利吾財耳曹武臨收曰諸人利吾財貨伎女耳足爲居積之鑒

瀆亂 三則

魏楊華爲胡后所寵遂有楊白花曲齊楊旻爲何后所寵遂有楊叛兒曲二事奇肖

武成令胡后與和士開握槊中宗令帝后與武三思雙陸

霍光愛幸監奴馮子都其妻顯卽與子都亂梁冀愛幸監奴秦宮其妻壽卽與宮私

妖冶 四則

薛靈芸初被選與父母別以玉壺承淚至京師壺中淚凝如血楊太真初承恩與父母別泣涕登車時天寒淚結爲紅冰

夏姬年踰七十而雞皮三少猶與巫臣生女後  
嫁叔向北史胡后年踰不惑而妖蠱若二八武  
則天年七十而盛自拂拭不覺衰耗

宋東陽女子婁逞詐爲丈夫仕至揚州議曹從  
事王蜀女子黃崇嘏作詩上蜀相周庠庠首薦  
之屢攝縣吏事精敏

蜀有兩花蕊夫人一王建妾一孟昶妾俱亡國  
尤物也孟之花蕊夫人入宋太祖亦惑之爲太  
宗射死又妓有兩盼盼一唐一宋兩楚楚一宋

一元兩蘇小小一南齊一宋兩愛愛一宋一元

妬媚 五則

梁武策錦被事咸言已罄劉孝標忽疏十餘事  
帝不覺失色自是惡之蔡攸徵瓜事坐客不敢  
盡言董彥遠連徵數事攸遂外補之又沈約以  
疏粟事得罪梁武

房玄齡妻妬太宗賜之美女已飲之醜一飲便  
盡帝曰我尚畏見何況玄齡任園妻妬莊宗賜  
之宮女已飲之醜一飲便盡帝曰朕亦當畏之

二婦何其類也玄齡妻以剔目著信終以妬稱人固不可量哉

魏劉曄年十三以母戒殺父侍人也唐嚴武年八歲以母言殺父妾也二子奇矣母則未免妬耳

劉伯玉聞其夫誦洛神賦卽投水死阮宣妻因其夫愛桃華卽伐其樹劉玄德有四玉人宮中卽妬玉人斯不必美女入室矣

并州有妬女泉靚粧者至必興雲雨臨濟有妬

婦津盛飾過者必興風波異哉并州妬女一云介推妹





